


女童百問

卷一
之



校正嬰童百問序



嬰童百問十卷今柱國少保太宰許
公疏進于

朝

制下禮部爰加校正鑿諸梓以傳云原夫
三墳正典醫之道厥惟濫觴素問靈
樞醫之義繇斯論著秘啓造化德濟
含靈本神道以設教法天德以好生

上古聖人所創立傳流邈乎遐哉弗
可尚已自茲以還民鮮龐樸六慾干
於時診百邪伐其天和所貴仁哲迭
興迺克漸次敷治在商則尹製湯液
以開識藥性在秦則和論六氣以參
兩變動下歷漢晉唐宋嚅聶味餘著
為方論如金匱鈞玄如蘭室秘藏如
靈苑秘錄簡帙繁浩無慮數十百家

獨念嬰兒脉證內經不載其說僅自
中古巫妨氏著願願經以占壽天歷
世相授醫訣斯興則又散漫難考檢
閱彌艱或有證無論孰究病根或有
論無方奚從質據矧夫嬰兒腸胃嬌
脆胎氣稟受時令寒暑燥濕不齊病
不能言疑似莫辨醫之診治豈不信
見其難哉許公自為翰林編修時得

此書既以識其考據議論精密周詳
有足以補岐黃之所未發翊燮調之
所未至蓋注心於是久矣顧當
聖明御極體天地曰生之仁憫生靈札瘥
之患昨者疫氣流行致塵

宸慮手檢方書親加劑量以救藥生靈而
公首以是編納忠

上進蓋所以仰體

聖衷擴施元化衛民命而壽國脉此大臣
君子之事也

綸音嘉答特賜布諸天下斯世斯民獲覩
是書之全保其嬰幼俾免夭闕豈非
幸哉公河南靈寶人也父子兄弟並
位知保玄成篤世德之懿公著競家
聲之美流澤延休厥有攸自識者謂
公仁厚惻怛根諸心而欲推以及物

茲亦其一端云嵩不佞特為識諸簡首

嘉靖壬寅仲冬長至日

光祿大夫柱國少保兼太子太保禮部尚書

武英殿大學士知制誥侍

經筵國典總裁奉

勅掌禮部事袁郡嚴嵩序

進嬰童百問疏

太子太保吏部尚書臣許讚謹

奏為進書事臣係河南靈寶縣人正德二年臣為

翰林院編修之時收得醫書二本名曰嬰童百

問相傳為在昔名人著述乃以嬰童各證設為

百問每問必究其受證之原每證必詳其治療

之方觀形審勢因病投藥極為詳備誠保護嬰

幼之全書也此書原刻於陝西藍田縣今乃少

見伏惟

皇上至仁如天老老幼幼舉一世而生成之此書若

行未必不為幼科醫藥之助臣謹將原本裝演
進呈伏望

皇上勅付所司再加詳校刻為善本或以廣醫家之
見聞或以備

內府之參用傳衍流行則

皇上仁慈所被者無窮而效之所及者廣矣嘉靖十

八年二月 日奉

聖旨卿進方書朕覽已着禮部校正刊行欽此

嬰童百問卷上目錄

卷之一

第一問初誕

第二問護養法

第三問噤風撮口臍風

第四問脉法 無方

第五問變蒸

第六問五臟所主 無方

第七問五臟病證

第八問肝臟

第九問心臟

第十問脾臟

卷之二

第十一問肺臟

第十二問腎臟

第十三問面上證氣色總見

無方

第十四問發搐

第十五問急驚

第十六問慢驚

第十七問脾風

第十八問急慢脾風下痰輕重

第十九問驚癇

第二十問驚風

卷之三

第二十一問天癆內疳

第二十二問盤腸風

第二十三問胎驚風

第二十四問胎風遍身軟

第二十五問項軟

第二十六問五軟

第二十七問五硬

第二十八問風證風熱

第二十九問癰症

第三十問夜啼客忤驚啼

卷之四

第三十一問胎疾

第三十二問解顱

第三十三問顱陷顱填

第三十四問目內證

第三十五問耳病

第三十六問鼻病

第三十七問口瘡鵝口重膠

第三十八問重舌木舌弄舌

第三十九問齒遲 無方

第四十問喉痺腮腫

卷之五

第四十一問語遲

第四十二問滯顱

第四十三問龜背龜胸鶴膝行遲

第四十四問腹痛

第四十五問腹脹

第四十六問腹中有癖

第四十七問痞結

第四十八問積痛

第四十九問積滯

第五十問諸熱證

嬰童百問卷上目錄終

嬰童百問卷之一

魯伯嗣學

第一問初誕

嬰童在胎稟陰陽五行之氣以生成五臟六腑百骸之體悉具必藉胎液以滋養之受氣既足自然分娩初離母體口有液毒啼聲未出急用軟綿裹指拭去口中惡汁雖是良法然倉卒之際或有不及如法者古人有黃連法硃蜜法甘草法用之殊佳免使惡物嚥下伏之於心遇天行時氣久熱不除乃乘於心心主血脉得熱而散流溢於胃而胃主肌肉發出於外故成瘡疹之候世之長幼無有可免者若依初生拭

口之法得免痘疹之患。或有時氣侵深，只出膚瘡，細疹易為調理。亦孩童之幸也。楊氏云：初生拭口不前，惡穢入腹，則腹滿氣短，不能飲乳者，宜用茯苓圓加減治之。又法：下胎毒，臨產落草時，濃煎淡豉汁服極好，不可與辰砂、黃連、輕粉等。

硃蜜法

葛氏肘後方

小兒初生，先用黃連、甘草法拭口，吐其惡汁，稍時更與硃蜜定，鬼安神。

硃砂

一大豆許

右細研以蜜一蜺殼許和硃砂抹口中，非獨鎮

心安神，能解惡毒之物，一生免痘瘡之患。

黃連法

臨月用黃連細切，槌碎，綿裹，百沸湯泡拭口。

甘草法

預以甘草細切少許，產臥時以綿裹沸湯泡盪內，蓋定收生之際，急以軟綿裹指蘸甘草汁拭其口，次用黃連法、硃蜜法。

又牛黃法

與硃蜜同，少加牛黃，益肝膽，除熱，定精神，止驚邪，辟惡氣，除小兒百病。

茯苓圓直指方

治嬰兒初出胞胎其聲未發急以手拭其口令惡血淨盡不得下咽則無它病若拭口不久惡穢入腹則腹滿氣短不能飲乳或胎中受寒則令兒腹痛不乳

赤茯苓

黃連

冷證去此
加芍藥

枳殼炒

右等分為末煉蜜圓如梧桐子大每圓乳汁調下

第二問護養法

巢氏云小兒始生肌膚未實不可煖衣煖甚則令筋骨緩弱宜頻見風日若不見風日則肌膚脆軟易得

損傷當以故絮著衣勿加新綿天氣和煖之時抱出日中嬉戲數見風日則血凝氣剛肌肉硬蜜可耐風寒不致疾病若藏於帷帳之內重衣温煖譬如陰地草木不見風日軟脆不任風寒又當薄衣但令背煖薄衣之法當從秋習之不可以春夏卒減其衣否則令中風寒所以從秋習之者以漸稍寒如此則必耐寒冬月但著兩薄襦一複裳若不忍見其寒當畧加耳若愛而煖之適所以害之也又當消息無令出汗如汗出則表虛風邪易入也晝夜寤寐當當慎之其乳哺之法亦當有節不可過飽或宿滯不化當用消

乳圓化積溫脾等劑治之陳氏所謂忍三分寒喫七分飽頻揉肚少深洗及要背煖肚煖足煖要頭凉心胸凉亦至論也

消乳圓 又名消食圓

治宿食不消巢氏云宿食不消脾胃冷故也小兒乳哺飲食生冷過度冷氣積於脾胃胃為水穀之海脾氣磨而消之胃氣調和則乳哺消化脉沉者傷食不化故也

縮砂仁

陳皮

京三稜 煨

蓬朮 煨

神麴 炒

麥蘖 炒各半兩

香附子 炒一兩

右為末麵糊圓如麻子大食後白湯送下

第三問噤風撮口臍風

初生噤風撮口臍風三者一種病也噤風者眼閉口噤啼聲不出舌上聚肉如粟米狀吮乳不得口吐白沫大小便皆通蓋由胎中感受熱氣流毒於心脾故形見於喉舌間也抑亦生下復為風邪擊搏所致自滿日至百二十日見此名曰犯風噤依法將護防於未然則無此患撮口者面目黃赤氣息喘急啼聲不出蓋由胎氣挾熱兼風邪入臍流毒心脾之經故令

舌強唇青聚口撮面飲乳有妨若口出白沫而四肢
冷者不可救其或肚脹青筋吊腸卵疝內氣引痛皆
腸胃鬱結不通致之治法貴乎疎利撮口最為惡候
一臘內見之尤急臍風者斷臍之後為水濕風冷所
乘風濕之氣入於臍而流於心脾遂令肚脹臍腫身
體重著四肢柔直日夜多啼不能吃乳甚則發為風
搐若臍道青黑撮口不開是心內搐不治爪甲黑者
即死矣或熱在胸堂伸引努氣亦令臍腫可與千金
龍膽湯如前三者受病之源非一朝一夕大抵裏氣
鬱結壅閉不通並用取下胎毒天麻圓定命丹硃銀

圓之類可量與之千金論云小兒始生其氣尚盛若
有微患即須下之若不時下遂成大疾疾成則難療
矣紫霜圓可量與之治風噤用控痰散吐風痰不着
用甘草湯極穩然後和胃益脾散加減用又用辰砂
膏利驚即愈或手握拳禁口不開者不治又撮口用
僵蚕膏傅唇口中或甘草湯搽風散治臍風用瓜蒂
散湯氏治嬰兒因剪臍傷於外風致臍瘡不乾用白
礬龍骨為末少許傅之又用舊綿少許燒灰為末乾
摻之效議曰斷臍不盈尺一臘之內隨其根蒂自腐
實者深之弱者淺之淺深之理以其稟賦得之初生

之兒有熱在胸堂則頻伸引呃呃作聲努張其氣抑入根本之中所以臍突腫赤虛大可畏無識之者將謂斷臍不利而使之然者非也此乃由胎中母多驚悸或因食熱毒之物所作宜與大連翹飲子其熱自散其臍歸本不必以藥傳之此證亦宜早治久則難療也又有一法小兒臍風撮口初生七日內患此證者百無一生如坐視其斃者良可憫焉此法極驗世罕有知者凡患此證者看兒齒齦上有小齒米狀以溫水蘸熟帛裹指擦破即開口便安不用服藥亦良法也安臍散治臍中汁出或赤腫用白石脂

末日二度傳之或油髮灰或當歸末傳亦佳

千金龍膽湯

治胎驚月內氣盛發熱臍風撮口壯熱血脉盛實四肢驚掣發熱大吐及變蒸不解中客入鬼氣并諸驚癇悉皆治之十歲以下皆可服之及有鬼氣者加入參當歸如龍膽數一百日童加三銖一歲加五錢

龍膽草

釣藤

柴胡

黃芩

桔梗

芍藥

茯苓

甘草 各五錢

蠅娘 二枚去足炙

大黃 煨二錢半

右劉散每服二錢水一盞煎半盞服之以漸加服得利即止直指方加防風麥門冬以導心熱黃芩減半北棗煎服去蟻蜋亦可

天麻圓

治因斷臍後為水濕風冷所乘入於臍流於心脾遂令肚脹臍腫四肢柔直日夜多啼不能吃乳此藥利驚化痰凡釣腸鎖肚撮口並宜服之

南星 炮一錢

白附子 炮

牙消

天麻

五靈脂

全蝎 焙各一錢

輕粉 五分 巴霜 一字

右為末稀糊為圓麻子大每服三圓薄苛薑煎湯送下

定命丹

治急驚天釣撮口通利痰熱

全蝎 七箇

天麻

南星 炮

白附子 各二錢半 硃砂

青黛 各一錢半

輕粉

麝香 各五分

片腦 一字

右為末粟米糊圓粟豆大每服一圓荆芥薄苛湯化下先研半圓吹入鼻中一方無腦子

硃銀圓

治臍風壯熱痰盛翻眼口噤取下胎中蘊受之毒亦治驚積但量情用之一方無積字

水銀一錢蒸棗內研如泥 白附子一錢半 全蝎一錢

南星 硃砂一錢 天漿子去殼

牛黃 蘆會各一錢二分 鉛霜半錢和水銀研

片腦一字 麝五分 直僵蚕炒七箇

右為末粟米糊圓芥子大每服一圓薄苛湯下如未通利加至二三圓

紫霜圓

治變蒸發熱不解并傷寒溫壯汗後不歇胸中有痰癖乳哺不進乳則吐哕先寒後熱者又治食積乳哺失節宿滯不化或因食而發癩大便酸臭並宜服之

代赭石煨醋淬七次 赤石脂各一

杏仁五十枚去皮尖 巴豆三十枚去皮膜心出油

右先將杏仁巴霜入乳鉢內細研如膏却入代赭石脂末研勻以湯浸蒸餅為圓如粟米大一歲服五圓米飲吞下一二百日內兒三圓乳汁下更宜量其虛實加減微利為度此藥兼治驚

痰諸疾雖下不致虛人

消食圓 方見五十九問

常服寬中快氣消乳食正顏色

控痰散 入撮口

治風噤先用控痰散吐風涎次與益脾散和胃
又與辰砂膏利驚即愈或手握拳噤口不開者
不治

蝎尾

銅青 各五分

硃砂 一錢

膩粉 一字

麝香 少許

右為末每服一字茶清調下或用後甘草湯

痰亦可

甘草湯

治撮口取吐風痰

甘草 生一錢

右剉煎服令吐出痰涎却以猪乳點入口中即瘥

益脾散

白茯苓

人參

草果 煨

木香

甘草

陳皮

厚朴 薑製

蘇子 炒

右等分為末每二錢薑棗煎服

辰砂膏

治眼閉口噤啼聲不出吮乳不得口吐白沫大小便皆通

辰砂 三錢

硼砂

馬牙硝 各一錢

玄明粉 二錢

全蝎

真珠末 各一錢

麝香 一字

右為末和畢用好油紙封裏自然成膏每服一豆粒許諸驚金銀薄苛湯下潮熱甘草湯下月內用乳汁調傳乳上令兒吃下

葱號散

治初生小兒七日不小便

葱白 三四寸

人乳 同搗如泥抹兒口內即與乳喫

又蚕號散

治初生兒七日不食乳名撮口

僵蚕 四箇去嘴畧炒

茯苓 少許

右為末蜜稠調抹兒口內

僵蚕膏

治撮口

直僵蚕 二枚去嘴畧炒

右為末蜜調傳唇口中

撮風散

治撮口

赤脚蜈蚣

半條

釣藤

硃砂

直僵蚕

焙

全蝎

稍各一錢

麝香

一字

右末每服一字取竹瀝調下竹瀝解熱

瓜蒂散

治小兒三歲忽發心滿堅硬脚手心熱則變為

黃若不急治害人甚速臍風撮口吹入鼻內啼

則可醫

瓜蒂

七箇

赤小豆

七箇

秫米

七粒

大連翹湯

右為末用一豆許吹兩鼻內令黃水汁出殘藥未盡水調服之得吐黃水即瘥一方瓜蒂一兩赤小豆四兩為末每服一錢溫水調下藥下便卧即當有吐以吐為度吐出黃水為妙

治瘡疹壯熱小便不通諸般瘡癩丹毒臍風

連翹

瞿麥

荊芥

木通

赤芍藥

當歸

防風

柴胡

滑石

蟬蛻

甘草

山梔仁

各一錢

黃芩

各五分

右剉細每服二錢加紫草煎溫服熱甚加大黃更詳證加減

安臍散

小兒斷臍後便傳之

赤脚蜈蚣一寸

羚羊角

一錢畧

乳髮

一團燒

雀窠

二枚

麝香

少許

右為末斷臍後傳於臍上

第四問脉法

無方

仲陽云小兒脉法脉亂不治氣不和弦急傷食沉緩

虛驚促急風浮冷沉細水鏡訣夫以陰陽運命男女成形已分九竅四肢乃生五臟六腑位分一部逆順難明若憑寸口之浮沉必乃橫亡於孩子須明虎口別辨三關消詳用藥必無差誤未至三歲看男左女右虎口第二指根第一節名初關一名風關若脉見初交病第二節中關氣關脉見難治第三節末關命關脉見病深死三關青是四足驚三關赤是水驚三關黑是人驚紫色瀉利黃色雷驚三關有通度脉是極驚之證必死餘並不可治或青或紅有紋如線一直者是乳食傷脾及發驚熱左右一樣者是驚與積齊發有三

條或散是肺生風痰或似齶胎之聲有赤是傷寒及
嗽如紅火是瀉有黑相兼主下痢紅多白痢黑多赤
痢有紫相兼加渴不虛虎口脉紋亂乃氣不和也青
驚積青黑發慢驚脉入掌乃內吊指紋曲裏風盛灣
外食積上蒸此論三歲以上脉法小兒一歲至三歲
看虎口更用指按高骨乃一指分三關定其息數呼
吸八至為平脉九至不安十至危困短長大小各有
邪干浮主風生數主有驚沉遲主虛冷實主有熱緊
是癩癩洪主熱盛沉細主腹痛沉緩主虛瀉微遲有
積有蟲遲瀯主胃腕不和沉主乳化難沉細主乳食

結緊弦主腹痛牢實主大便秘沉而數者骨中有
熱弦長是鬲肝有風緊數驚風四肢掣戰浮洪胃口
有熱沉緊主腹痛不歇虛濡有氣又兼慢驚乳多利
大便有血四歲用一指按虛實五歲六歲用一指表
轉尋三部平正關上為準七歲八歲稍移指少許尋
三部九歲十歲次第依三關部位尋取十一十二歲
亦同十歲看十四歲十五歲方依大方脉部位診視
凡看脉先定浮沉遲數陰陽冷熱皆依大方也沉遲
為陰浮數為陽更兼看面部青色主驚風白色主虛
瀉赤色主痰熱黑色病勢難當黃色是脾家疳積以

此相參察其病源審度治療必無疎失矣

第五問變蒸

巢氏云小兒變蒸者以長氣血也變者上氣蒸者體

熱巢氏云上多變氣

仲陽云變者易也又生變蒸者自內而

長自下而上又身熱故以生之日後至三十二日一

變每變又畢即覺性情有異於前何者長生臟腑意智

故也何謂三十一日長骨添精神人有三百六十五

骨以象天數以應其歲以分十二經絡故初生至三

十二日一變生癸屬足少陰經腎臟藏精與志至六

十四日二變一蒸生壬屬足太陽經膀胱腑其發耳

與骹冷腎與膀胱合俱主於水天一生水地六成之

至九十六日三變生丁屬手少陰經心臟藏神其性

為喜至一百二十八日四變二蒸生丙屬手太陽經

小腸腑其發汗出而微驚心與小腸合主火地二生

火天七成之至一百六十日五變生乙屬足厥陰經

肝臟藏魂喜哭至一百九十二日六變三蒸生甲屬

足少陽經膽腑其發目不閉

一本作開

而赤肝與膽合主

木天三生木地八成之至二百二十四日七變生辛

屬手太陰經肺臟藏魄生聲至二百五十六日八變

四蒸生庚屬手陽明經大腸腑其發膚熱而汗或不

汗肺與大腸合主金地四生金天九成之至二百八十八日九變生巳屬足太陰經脾臟歲意與智至三百二十日十變五蒸生戊屬足陽明經胃腑其發不食腸痛而吐乳脾與胃合主土天五生土地十成之又手厥陰經心包絡為臟手少陽經三焦為腑此一臟一腑俱無形狀故不變而不蒸也前十變五蒸乃天地之數以生成之此後始生齒能言知喜怒故云始全也太倉云氣入四肢長碎骨於十變後六十四日為一大蒸計三百八十四日長其經脉手足手受血故能持物足受血故能行立經云變且蒸謂蒸畢

而足一歲之日有餘也師曰不汗而熱者發其汗大吐者微止不可別治又六十四日為二大蒸計四百四十八日又一百二十八日為三大蒸共計五百七十六日變蒸既畢兒乃成人也變者變生五臟也蒸者蒸養六腑也所以成人變者上氣蒸者熱每經一變一蒸情態即異輕則發熱微汗其狀以驚重則壯熱脉亂而數或吐或汗或煩啼燥渴輕者五日解重者七八日解其候與傷寒相似亦有變本之餘續感寒邪者但變蒸則耳冷飢冷上唇發泡狀如濁珠若寒邪得之則寒熱交爭腹中作痛而啼叫之聲日

夜不絕變者易也蒸於肝則目眩微赤蒸於肺則噎
嗽毛聳耳凡五臟六腑筋脉骨節皆循環多有證應其
治法和平之劑微表執實者微利之或不治亦日愈
可照紫霜圓一圓或二圓并黑散子柴胡湯變蒸者
有寒無熱并吐瀉不乳多啼者當歸散調氣散主之
變蒸之外小兒如常體貌情態自然端正鼻內秩中
絕無涎涕頭如青壘唇似朱鮮臉腮如花映竹情意
若天淨月明喜引方笑似此平安議曰人得中之道
以為純粹陰陽得所剛柔兼濟氣血相和百脉相順
所以心智益通精神俱備臟腑充實形體固壯凡觀

嬰孩顛顛固入口睛黑神清口方背厚骨麓腎滿臍深
肚軟齒細髮黑聲洪睡穩此乃受氣充足稟賦得中
而無疾也

紫霜圓

方見第三問

紫陽里散

治變蒸解利熱氣

麻黃

一兩不
去節

大黃

五錢

杏仁

去皮尖二錢半

右件同一處搗和並畧燒存性再以杏仁少許
研膏和之密器盛每用一豆許乳汁調下

柴胡湯

治變蒸骨熱心煩啼呼不已

人參

甘草後炙

麥門冬各二錢去心

龍膽草

防風各一錢

柴胡三錢

右剉散每服三錢煎服

當歸散

治變蒸有寒無熱

當歸二錢

木香

官桂陳者

甘草炙

人參各一錢

右剉散每服二錢薑棗煎服

調氣散

治變蒸吐瀉不乳多啼慢驚欲發

木香

香附子

人參

橘皮

藿香

甘草炙各一錢

右為末每服二錢薑棗煎服

第六問五臟所主

無方

心主驚實則叫哭發熱飲水而搖虛則困卧悸動不安肝主風實則目直大叫呵欠項急頓悶虛則咬牙呵欠氣熱則外生風氣溫則内生風脾主困實則困睡身熱飲水虛則吐瀉生風肺主喘實則悶亂喘促

有飲水者有不飲水者虛則噁氣長出氣腎主虛無實也惟痘瘡實則黑陷更當別虛實證假如肺病又見肝證咬牙多呵欠者易治肝虛不能勝肺故也若目直大叫哭項急頓悶者難治蓋肺久病虛冷肝強實而反勝肺也視病之新久虛實虛則補母實則瀉子

第七問五臟病證

無方

肝病哭叫目直呵欠頓悶項急心病多叫哭驚悸手足動搖發熱飲水脾病困睡泄瀉不思飲食肺病悶亂噁氣長出氣喘急氣短腎病目無精光畏明體骨

重

第八問肝臟

肝外生感風呵欠頓悶口中氣熱當發散大青膏主之若能食飲水不止當大黃圓微下餘不可下肝熱手尋衣領及亂捻物瀉青圓主之壯熱飲水喘悶瀉白散主之肝病勝肺肝病秋見肝強勝肺肺怯不能勝肝當補脾治肝益脾者毋令子實故也補脾益黃散治肝瀉青圓肝有風目連眵不搖得心熱則搖治肝瀉青圓治心導赤散主之肝有熱目直視不搖治同上法肝有風甚身反張強直不搖心不受熱也當

補腎治肝補腎地黃圓治肝瀉青圓主之凡病或新
或久皆引肝風之動而動止於頭目目屬肝風入於
目上下左右如風吹不輕不重兒不能任故目連劄
也若熱入於目牽其筋脉兩皆俱緊不能轉視故目
直也若得心熱則搖以其子母俱有實熱風火相搏
故也肝病見秋木旺肝強勝肺也宜補肺瀉肝輕者
肝病退重者唇白而死

大青膏

治傷風痰熱發搐百日左右并二三歲亦可服

天麻一錢

白附子半生一錢 蝎尾半錢

硃砂一字

青黛一錢

天竺黃一字

麝香一字

烏蛇酒浸取肉
焙乾半錢

右為末生蜜為圓如芡實大月中兒粳米大同
牛黃膏薄苛湯化下五歲以上同甘露散服之

大黃圓入疳

治小兒無辜疳疾急疳壯熱疳勞骨蒸頭髮作
穗身上生瘡癩癰核塊多要啖煎食物不成肌
膚腹大頸細

大黃三錢

木香半兩

石為末米醋一升相和置銅椀下於鐺內浮於

水上炭火煮用竹篦子攪藥候可圓即圓入稠
糊圓如小豆大二歲二十圓米湯下加減與之
當下青膿為効一方治無辜疳疾肚大或時瀉
痢冷熱不調漏蘆為末每服一錢猪肝一兩鹽
少許煮空心服之

大黃圓 錢氏方

治風熱裏實口中氣熱大小便秘赤飲水不止
有下證者宜服之

黑牽牛

半生半

川芎

半兩

甘草

一錢炙

大黃

一兩酒洗過蒸熟切片

瀉青圓

右為細末稀糊和圓如麻子大二歲每服十圓
溫蜜水下乳後服以溘利為度未利加圓數再
服量大小加減用之

治小兒赤眼多泪睛疼心躁并消熱翳急驚發
搐

當歸

川芎

防風

龍膽草

大黃

羌活

山梔仁

各等分一方加甘草赤芍藥

右為末煉蜜圓芡實大每服一圓沙糖湯下

瀉白散

治化痰止咳寬氣進食

地骨皮

桑白皮

炒各一兩

甘草

炙二錢

右剉散粳米煎

益黃散

治小兒吐瀉脾虛不食米穀不化困倦力少滑

腸夜起并疳虛盜汗并治涎唾流頷下常濕名

滯頤

陳皮

去白一兩

丁香

二錢一方用木香

訶子

炮去核

青皮

去穢

甘草

炙各五錢

右為末每服二錢水煎三分食前服

導赤散

治心驚內虛邪熱

生地黄

甘草

木通

各等分

右剉散竹葉煎加黃芩赤芍藥卷活燈心煎

地黃圓

治腎疝即急疝腦熱肌削手足如冰滑泄肚痛

熟地黄

山茱萸肉

乾山藥

各四錢

澤瀉

牡丹皮

白茯苓

去皮各三錢

右為末煉蜜和圓如梧桐子大三歲以下一

圓至三圓溫水空心化下行遲鶴膝加鹿茸牛膝五加皮

第九問心臟

心熱視其睡口中氣溫或合面睡及上竅咬牙皆心熱也導赤散主之心氣熱則心胸亦熱欲言不能而有就冷之意故合面卧心氣實則氣上下行澁合卧則不得通故喜仰卧則氣得上下通也瀉心湯主之心病見冬大旺心強勝腎當補腎治心經者病退重者下竅不語腎怯虛也

導赤散

方見第八問

瀉心散

治心中痰氣實則氣行澁合卧則氣不通故喜仰卧則上下通也

黃連

一兩云須

右為末每服半錢或一錢臨卧時溫水下

第十問脾臟

脾胃不和面皖白無精光口中氣冷不思食吐水當補脾益蓄散主之脾胃虛冷面皖白色瘦弱腹痛不思食當補脾益黃散下利者調中圓主之傷風手足冷脾臟怯也當和脾後發散和脾益黃散發散大青

膏主之脾病見四旁皆倣此治之順者易治逆者難
治脾怯當面赤黃五臟相反隨證治之

益黃散

方見第八問

大青膏

方見第八問

調中圓

方見第五十三問

嬰童百問卷之一

